



TOSHKENT DAVLAT YURIDIK UNIVERSITETI REKTORINING B U Y R U G ' I

17.01.2024

14-um-son

O‘zbekiston Respublikasi adliya vazirining 2024-yil 12-yanvardagi 5–um-son buyrug‘ining ijrosini ta’minlash to‘g‘risida

O‘zbekiston Respublikasi adliya vazirining 2024-yil 12-yanvardagi “Huquqni mustaqil o‘rganish mobil ilovasini yaratish to‘g‘risida”gi 5–um-son buyrug‘i ijrosini ta’minlash maqsadida:

BUYURAMAN:

1. O‘zbekiston Respublikasi adliya vazirining 2024-yil 12-yanvardagi “Huquqni mustaqil o‘rganish mobil ilovasini yaratish to‘g‘risida”gi 5–um-son buyrug‘i ma’lumot va ijro uchun qabul qilinsin.

2. Huquqni mustaqil o‘rganishga qaratilgan mobil ilovani (keyingi o‘rinlarda – Mobil ilova) yaratish bo‘yicha doimiy faoliyat yuritadigan loyihani (keyingi o‘rinlarda – Loyiha) amalga oshirish bo‘yicha ishchi guruh (keyingi o‘rinlarda – Ishchi guruh) tarkibi 1-ilovaga muvofiq tasdiqlansin.

3. Huquqiy tashabbuslar va innovatsiyalar markazi direktori, Ishchi guruh koordinatori S.Latipov **2024-yil 26-yanvarga qadar** O‘zbekiston Respublikasi Adliya vazirligi Qonunchilik hujjatlarini tahlil qilish, tartibga solish ta’sirini baholash va huquqiy axborot boshqarmasi, “Adolat” milliy huquqiy axborot markazi va “Madad” nodavlat notijorat tashkiloti bilan hamkorlikda fuqarolar hamda huquqshunoslik uchun eng muhim bo‘lgan yo‘nalishlarda kontent-rejani hamda kontentlarga (mavzu bo‘yicha ma’lumot, taqdimot, test va videorolikka) qo‘yilgan talablarni ishlab chiqish va kelishish bo‘yicha zarur choralarni ko‘rsin.

4. Elektron universitet bo‘limi boshlig‘i A.Karimov **2024-yil 12-fevralga qadar** O‘zbekiston Respublikasi Adliya vazirligi Raqamlashtirish boshqarmasi, Adliya organlari va muassasalarida axborot-kommunikatsiya texnologiyalarini rivojlantirish markazi bilan birgalikda Mobil ilovani yaratish bo‘yicha texnik topshiriq va boshqa tegishli loyihaviy hujjatlarni tayyorlab, belgilangan tartibda mas’ul tashkilotlar bilan kelishsin.

5. Ta'minot bo'limi boshlig'i R.Umarov **2024-yil 12-martga qadar** Mobil ilovani yaratish bo'yicha xizmatlarni Universitetning budjetdan tashqari mablag'lari hisobidan xarid qilish maqsadida tegishli tartib-taomillarni amalga oshirish hamda ijrochi tashkilot bilan shartnoma tuzishni ta'minlasin.

6. Kafedra mudirlari **2024-yil 12-martga qadar** O'zbekiston Respublikasi Adliya vazirligi Qonunchilik hujjatlarini tahlil qilish, tartibga solish ta'sirini baholash va huquqiy axborot boshqarmasi, "Adolat" milliy huquqiy axborot markazi va "Madad" nodavlat notijorat tashkiloti bilan hamkorlikda tegishli kontentlarni kelishilgan kontent-reja va ularga qo'yilgan talablarga muvofiq o'z vaqtida va sifatli tayyorlashni ta'minlasin.

7. Ishchi guruh koordinatori S.Latipov **2024-yil 12-aprelga qadar** O'zbekiston Respublikasi Adliya vazirligi Qonunchilik hujjatlarini tahlil qilish, tartibga solish ta'sirini baholash va huquqiy axborot boshqarmasi hamda Yuridik ta'lim va sud-ekspertiza boshqarmasi bilan hamkorlikda Mobil ilovaning dastlabki variantining taqdimoti o'tkazilishini ta'minlasin.

8. Jamoatchilik va OAV bilan aloqalar bo'limi boshlig'i J.Haydarov **2024-yil 12-mayga qadar** O'zbekiston Respublikasi Adliya vazirligi Jamoatchilik bilan aloqalar bo'limi (S.Urinbayeva) bilan birgalikda Mobil ilovani keng aholiga taqdim etish va uni ommaviy axborot vositalari orqali e'lon qilish choralarini ko'rsin.

9. Huquqiy tashabbuslar va innovatsiyalar markazi direktori, Ishchi guruh koordinatori S.Latipov O'zbekiston Respublikasi Adliya vazirligi Qonunchilik hujjatlarini tahlil qilish, tartibga solish ta'sirini baholash va huquqiy axborot boshqarmasi bilan hamkorlikda Mobil ilovadagi kontentlarni amaldagi qonunchilik hujjatlariga muvofiqligini ta'minlash hamda yangi yo'nalishdagi kontentlarni kiritib borish bo'yicha mas'ul etib belgilansin.

10. Tushuntirib o'tilsinki, Toshkent davlat yuridik universiteti professor-o'qituvchilarining KPI ko'rsatkichlarini Aniqlash mezonlariga ko'ra:

ishchi guruh tarkibiga kiritilgan kafedra mudirlari va professor-o'qituvchilar doimiy faoliyat yuritadigan loyihalarni samarali tashkil etib kelayotganligi uchun – 3 ballgacha;

kontent-rejaga ko'ra kontentlarni tayyorlashga jalb etilgan kafedra mudirlari va professor-o'qituvchilar jamoatchilik ishlaridagi ishtiroki uchun – har bir kontent-rejadagi mavzu uchun alohida tadbir sifatida 1 ballgacha rag'batlantirilishi mumkin.

11. Mazkur buyruq ijrosini nazorat qilishni o'z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Direktor

S.LATIPOV



Kelishildi:

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Ilmiy ishlar va innovatsiyalar
bo'yicha prorektor

B.XODJAYEV



Moliya-iqtisod ishlar bo'yicha
prorektor

A.IMINOV



Bo'lim boshlig'i

S.MAMANAZAROV



Katta yuriskonsult

A.TURSUNOV

